

1 enformaziuns y termins

Oraziun da Taizé: la proscima oraziun de Taizé ven tignida en vendres ai 17 de jügn ales 20:00 tla capela a Oies. Al se trata de en n'ora olá ch'al ven perié, medité y cianté en forma de Taizé. Düc é der bel enviés a tó pert.

Ocio: l'apoteca d'Al Plan sará slüta dai 13 ai 22 de jügn.

Biblioteca: la biblioteca "Angelo Trebo" romagn slüta dai 20 de jügn ai 3 de juli.

Marcia francescana dala Val Rieti a Assisi: dai 25 de iuli ai 4 d'agost vá jogn y jones a pe cina Assisi a festejé adöm la festa dl pordonn (Portiuncola). N grup de ca. 30-40 porsones da Südtirol y l'Austria peia ince ia da Balsan, acompagnés da n valgügn patri franziscans. An vá endöt 6 dis a pe por ca. 5-6 ores al de y al ven dormí te scores, convoc o tal hotel da mile stères (sot al ci)! Le cost é de 295,00 €. Jogn y jones dai 16 ai 40 agn é der bel enviés da fá cösta esperionza! Info www.laverna.at o: stefan.kitzmueller@franziskaner.at

Le Zenter Families Mareo met da jí cösc isté deplü ativités:



Curs da nodé por pici mituns (Babyschwimmen) da 3 cina 18 mensc, con Sabrina Da Col tla nodadoia dal Hotel Teresa dai 20 de jügn cina ai 11 de iuli, 2 iadi al edema, dagnora de lönesc y jöbia. Informaziuns y prenotaziuns cina ai 16 de jügn, ☎ 347 8934178 dô les 14.00.

Formes y ritmi dal cajon, curs da costruí, deponje y da soné le cajon por jogn y jones dai 10 ai 16 agn, con Samir Amato, Max Castlunger y Irina Tavella, ai 18, 19 y 20 de iuli dales 10:00 ales 16:00 tal "atelier tal bosch" de Irina Tavella, Al Plan Dessora; prenotaziun pa Irina, ☎ 339 8557964.

Musiga por mituns: soné, cianté, jüc ritmics, stories sonores, balé, por mituns dai 2 ai 3 agn (acompagnés da en genitur) y da 3,5 ai 5 agn (ma i mituns), con Ester Videsott por endöt 10 iadi, 2 iadi al edema, lönesc y vendres dai 4 de iuli ai 7 d'agost; da se prenoté anter i 30 de jügn pa Helga Rubatscher ☎ 333 2181049.

Soghe con l'ert por pici mituns dai 2 ai 6 agn y söes mames tal "atelier dl'bosch" de Irina Tavella, dai 07 de iuli ai 04 d'agost vigne jöbia dales 9:30 ales 11:30; prenotaziuns pa Irina ☎ 339 8557964.

Döt le bun a: Sr. Rosalia-Aloisia Daverda, *Mestre* * 15.06.1927
Regina Trebo Hochgruber, *Bornech* * 17.06.1934
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

12.06.2016 - 11. domegna ia por l'ann

n. 29

Encunté Gejú Crist ô dí vari

📖 2 Sam 12, 7–10.13 | Gal 2, 16.19–21 | Lc 7, 36 – 8, 3

Dal Vangelo do San Lúca:

Te chel tomp³⁶é Gejú jü tla ciasa de n fariseo co l'â envié a past, y al s'á lascé jö pa mesa.³⁷Canche na piciadessa, co viea tla ciüté, â aldí ch'al ea tla ciasa dal fariseo pa mesa, éra gnüda con n boché d'alabaster plen d'ere parfömé³⁸y ti é jüda do pro pomez. Lapró bradlára y söes lagrimes tomâ sön sù pìsc. Ara assiâ sù pìsc con sù ciaveis, i bajá y i unjea con l'ere parfömé.³⁹Da odei cösc, se ponsâ le fariseo co l'â albü envié: Sc'al foss veramonter n profet, messassel sei, ci sort de era co le peia ete; al sess ch'al é na piciadessa. [...] ⁴⁴Spo s'al ôt pomez ala era y ti á dit a Sciomun: Veigheste cösta era? Canch'i sun gnü te tóa ciasa, ne m'aste dé degün'ega da mo laé i pìsc; mo era á bagné mi pìsc con söes lagrimes y ara i á assié con sù ciaveis.⁴⁵Da mo salüde, ne m'aste dé degün baje; mo era m'á demeztrú bajé i pìsc da canch'i sun atló.⁴⁶Tö ne m'as nia unt i ciaveis con ere; mo era m'á unt i pìsc con so ere parfömé.⁴⁷Porchel te diji: A d'era ti é lascés do sù trec picés, deach'ara á albü n gran amur.

I ponsun do

I conesciun le proverb: „Dímo pa ché che tö stas y iu te diji ché che tö es.” Cösc proverb orea sù nemisc ince adoré pa Gejú, deache ara ne ti plajea nia che Gejú stea pai piciadús y pai emarginés y che al ea ince eres co l'ascutâ sö. Mo Gejú sa che l'amur de Chelbeldio che el porta é plü gran co le mal. Sce al s'an tol sora dles porosones spo varesceres. Che co röa dlungia Gejú fajará cösta esperionza.



I periuin

Beldio, to Fi é gnü porsona por se porté to pordonn. Láscesse odei ete con umilté tan emportant ch'al é por nos che tö se vegni adancuntra. Por Crist, nosc Signur.

Wilhelm Egger "Sonntagsbibel"

📖 Letöres dla 12. domegna ia por l'ann:


Zac 12, 10–11; 13, 1 | Gal 3, 26–29 | Lc 9, 18–24

Edema liturgica dai 12.06. ai 19.06.2016

DOM 12.	11. domegna ia por l'ann <i>Leo III, Guido, beata Hildegard Burjan</i>
08:30	gran messa por dōta la ploania con signor Gustl Frenademez, benedisciun dal tomp → <i>oferta por les misciuns</i>
10	<i>s.m. a Al Plan</i>
Lön 13.	<i>Antone da Padova, Bernhard</i>
07:20	<i>s.m. a Al Plan</i>
Ded 14.	<i>Meinrad, Fortunat, Gottschalk</i>
▶ 19:30	s.m. d'aniversar por + signor Merch Graffonara, ploan s.m. por + Milia Kastlunger, Alnei
Dem 15.	<i>Vitus, Germana, Lothar, Gebhard</i>
▶ 08:00	<i>a Al Plan, s.m.</i> de ringraziament por la concluiun dal ann de scora dla scora mesana
Jöb 16.	<i>Benno, Iustina, Luitgard</i>
▶ 08:00	s.m. de ringraziament en onú dal Spirti Sant y dai Angeli Custodi por la concluiun dal ann de scora
Ven 17.	<i>Rainer, Felize, Adolf</i>
07:30	<i>s.m. a Al Plan</i>
Sab 18.	<i>Sabeda de Santa Maria Felizius, Simplicius</i>
▶ 03:30	da dljia d'Al Plan demez: iade por sanc dles ploanies d'La Pli y d'Al Plan sö La Crusc , ales 06:15 ca. da Ciornadú demez
11:00	a Curt s.m. da noza de Thomas Ploner y Katrin Clement
18:00	<i>s.m. prefestia a Al Plan</i>
DOM 19.	12. domegna ia por l'ann <i>Romuald, Elisabeth, Juliana</i>
08:30	gran messa por dōta la ploania con le miscionar dla Misericordia don Francesco Scalmati, benedisciun dal tomp <i>oferta por i debojügn dla ploania</i>
10	<i>s.m. a Al Plan</i>
<i>ampola:</i>	por les families Palfrader, Col
<i>ministronc:</i>	▶ da doman y domegna: Florian Rindler y Alan Ellecosta ▶ da sera y domegna: Hannes Taibon y Roman Frontull
<i>i recordun:</i>	Sr. Christina (Maria) Erlacher OT, Lana + 14.06.2010 Sig. Merch Graffonara, ploan + 14.06.2013



Zum Nachdenken



Die Erzählung von der Salbung Jesu durch eine namenlose „Sünderin“ ist auch eine Erzählung über die Überwindung von Grenzen in unserem Denken, vom Stacheldraht in unserem Gehirn. Der Pharisäer hat klare Vorstellungen, wer dazugehören darf und wer nicht, doch solche Einteilungen haben bei Jesus keine Gültigkeit.

Sein Maßstab ist ein anderer, und seine Aufforderung ist klar: Macht meinen Maßstab zu eurem Maßstab. Das gilt auch heute, wenn viele unterschiedliche Menschen zu uns kommen.



Vita de ploania y de paisc



“Signur, confermeia söa empormetüda d’amur önn por l’ater.”

La ploania i fej les miús aodanzes de benedisciun y fortuna ai nüc **Thomas Ploner y Katrin Clement** co se dá adöm tal sacramont dal matrimone en sabeda ai 18 de má a Curt.

- **Santes Messes:** dai 12 de jügn ennant, sarál la poscibilité da aposté messes vigne domegna do la gran messa te calogna bas ete. Al sará en member dal Consei de Ploania co se met a disposiziun por tó sö les messes co ven apostades y les comunicará spo a signor ploan.
- **Messes dai dis da laur - letöra:** podei lí dant la Parora de Dio pa les funziuns liturgiches é n gran onú y n sorvisc important. Al ven porchel der bel perié che les families o porsones, por cheres che al ven dit les messes i dis da laur, meni n familiar a lí la letöra o se chiri n letur/na leturia co le feji por ei. La porsona co sorantól cösc sorvisc é ince der bel enviada da jí dan messa a se lí jö le test biblich por s’arjigné ca a porté dant la Parora de Dio y ince por che signor ploan sái ch’al sará ön/öna co va a lí y n’ái ensciö nia bria da chirí o aspeté. Iolan!
- **Informaziun de signor degan:** tla secunda pert de jügn ven ince en cösc ann endô don Francesco Scalmati, ploan da Osimo/Ancona (co ven belo da 30 agn encá a passé söes feries a San Martin). Deach’al é gnü nominé da papa Francesch „**miscionar dla misericordia divina**“ se metel ienn a desposiziun dles plonies dla Val Badia por zelebré con eres l’Eucaristia y por tigní ores de reflesciun sön la Misericordia de Dio, slüjenn jö spo sö La Crusc con la messa y les ores d’adoraziun en dedemesaledema ai 29 de jügn.

Don Francesco dijará la gran messa a La Pli en domegna ai 19 de jügn.